



ურთიერთთანამშრომლობის ხელშეკრულება .../.../...

თბილისი,

.../.../... წელი

ერთის მხრივ შპს მოგო, საქართველოს კანონმდებლობის შესაბამისად რეგისტრირებული შეზღუდული პასუხისმგებლობის საზოგადოება საიდენტიფიკაციო კოდით _____, შემდგომში 'მოგო' წარმოდგენილი მისი უფლებამოსილი წარმომადგენლის, _____ (პ/ნ _____) მიერ და მეორეს მხრივ ფიზიკური პირი _____ (პ/ნ: _____) შემდგომში 'პარტნიორი'. ორივე მხარე ერთობლივად მოიხსენება როგორც 'მხარეები', ხოლო ცალ-ცალკე როგორც 'მხარე', ერთობლივი განზრახვით, ნამდვილი და თავისუფალი ნების საფუძველზე, ყოველგვარი მოტყუების, შეცდომისა და იძულების გარეშე, თანხმდებიან გააფორმონ შემდეგი სახის ხელშეკრულება, რომელიც სავალდებულო ძალის მქონეა მათთვის და მათ სამართალმემკვიდრეთათვის უფლებამონაცვლეთათვის:

1. ხელშეკრულების საგანი

1.1. მხარეები, ხელშეკრულების პირობათა შესაბამისად, თანამშრომლობენ ლიზინგის ან უკულიზინგის მიმღებთა მოგოსთვის მოზიდვის მიზნით, მათ შორის მოქმედებენ ლიზინგის მიმღებთა ინფორმირების გაზრდის კუთხით მოგოს ლიზინგის მომსახურების მიღების შესაძლებლობის შესახებ.

2. პარტნიორის უფლება-მოვალეობანი

2.1. პარტნიორმა სასურველია კუთვნილ სავაჭრო ობიექტზე განათავსოს ინფორმაცია მოგოს შესახებ და აგრეთვე სარეკლამო მასალა მოგოს მიერ შეთავაზებული მომსახურების შესახებ, მათ შორის სალიზინგო განაცხადების ფორმები. პარტნიორი ახორციელებს სალიზინგო მომსახურების რეკლამირებას მხოლოდ იმ სარეკლამო მასალისა და სალიზინგო განაცხადთა ფორმების გამოყენებით, რაც მას მოგოსგან აქვს მიღებული ან რომლებიც წინასწარ იქნა დამტკიცებული მოგოს მიერ.

2.2. პარტნიორი კისრულობს ვალდებულებას მიაწოდოს ლიზინგის მიმღებს ინფორმაცია ლიზინგის შესახებ, მოგოს მითითებათა შესაბამისად და აგრეთვე აცნობოს სხვა ინფორმაციისა და დოკუმენტაციის შესახებ, რაც აუცილებელია მოგოსათვის წარსადგენად ამ უკანასკნელის მიერ ლიზინგის მიმღებზე ლიზინგის გაცემის გადაწყვეტილების მისაღებად. პარტნიორი ლიზინგის მიმღებს მიაწვდის მხოლოდ სწორ ინფორმაციას, ამ უკანასკნელის შეცდომაში შეყვანის გარეშე.

2.3. პარტნიორი კისრულობს ვალდებულებას პროფესიონალური კოორდინაცია გაუწიოს ლიზინგის მიმღების მიერ სალიზინგო განაცხადის წარდგენას, მათ შორის ჩაიზაროს ლიზინგის მიმღებისგან ინფორმაცია და დოკუმენტაცია, რაც აუცილებელია ლიზინგის მიმღებზე ლიზინგის მიცემის გადაწყვეტილების მისაღებად და გადაუგზავნის აღნიშნული ინფორმაცია და დოკუმენტაცია მოგოს.

2.4. პარტნიორი კისრულობს ვალდებულებას არ გამოიყენოს მოგოს სახელი სხვა მიზნებისათვის, გარდა ხელშეკრულებაში პირდაპირ მითითებულისა.

2.5. პარტნიორი რეგულარულად აწვდის მოგოს ინფორმაციას საკუთარი მომსახურების შესახებ და ასეთ მომსახურებაში შეტანილი ცვლილებების შესახებ.

2.6. პარტნიორს ეკრძალება გადაუხადოს ლიზინგის მიმღებს ხელშეკრულების საფუძველზე მიღებული ანაზღაურება ან მისი ნაწილი ან რაიმე სხვა სახის ანაზღაურება იმ შემთხვევაში, თუ ლიზინგის მიმღები მიიღებს მოგოსგან ლიზინგს. პარტნიორს აგრეთვე ეკრძალება შევიდეს ანალოგური სახის გარიგებაში ლიზინგის მიმღებთან.

2.7. ხელშეკრულება არ ზღუდავს პარტნიორის უფლებას ითანამშრომლოს ლიზინგის მომსახურების განმახორციელებელ მესამე პირებთან.

3. პარტნიორის უფლებამოსილებანი

3.1. პარტნიორი გამოდის მხოლოდ როგორც ინფორმაციის მიმწოდებელი მოგოს მიერ განხორციელებული მომსახურების შესახებ. ნებისმიერი სხვა საქმიანობის განსახორციელებლად პარტნიორმა უნდა მიიღოს მოგოს შესაბამისი წერილობითი მინდობილობა.

3.2. პარტნიორს არ გააჩნია უფლება:

3.2.1. მოგოს სახელით მიიღოს გადაწყვეტილება ლიზინგის მიმღებზე ლიზინგის გაცემისა თუ გაცემაზე უარის შესახებ;

3.2.2. მოგოს სახელით მიიღოს გადახდები ან ნებისმიერი სხვა შესრულება, რომელიც გამომდინარეობს პარტნიორის შუამავლობით დადებული გარიგებიდან;

3.2.3. მიიღოს პრეტენზიები ან საჩივრები **მოგოს** მიერ მიწოდებული მომსახურების ხარისხსა თუ ნაკლებზე და აგრეთვე სხვა გზავნილები, რომელითაც **ლიზინგის მიმღები** ან **მესამე პირი** იყენებს ან არ იყენებს საკუთარ უფლებებს რაც გამომდინარეობს ვალდებულებათა არაჯეროვანი შესრულებიდან.

4. მოგოს უფლებები და ვალდებულებები

4.1. **მოგო** კისრულობს ვალდებულებას განახორციელოს **გამყიდველისათვის სატრანსპორტო საშუალების** ნასყიდობის ფასის გადახდა **ხელშეკრულების** მე-7 მუხლის, **ლიზინგის ხელშეკრულებისა** და ნასყიდობის ხელშეკრულების თანახმად.

4.2. **მოგო** კისრულობს ვალდებულებას **პარტნიორს** მიაწოდოს სრული ინფორმაცია, რაც აუცილებელია სახელშეკრულებო ვალდებულებათა შესასრულებლად, მათ შორის, სარეკლამო მასალა და **მოგოს** მიერ შეთავაზებული **ლიზინგის** მომსახურების შესახებ ცნობები.

4.3. იმ შემთხვევაში, თუ **ლიზინგის მიმღებმა** აირჩია **მოგოს** მიერ შეთავაზებული **ლიზინგის** მომსახურება, მაშინ **მოგო** ვალდებულია დროულად აცნობოს **პარტნიორს** **მოგოს** გადაწყვეტილება **ლიზინგის** გაცემაზე თუ გაცემაზე უარის შესახებ და აგრეთვე გადაუგზავნოს **პარტნიორს** **ლიზინგის ხელშეკრულება** და შესაბამისი დოკუმენტაცია.

4.4. **მოგო** კისრულობს ვალდებულებას მიაწოდოს **პარტნიორს** ინფორმაცია **მოგოს** მომსახურებისა და მასში შეტანილი ცვლილებების შესახებ და აგრეთვე ჩაატაროს **პარტნიორისათვის** და ამ უკანასკნელის თანამშრომელთათვის სემინარები და სასწავლო კურსები **მოგოს** მიერ შეთავაზებული მომსახურების თაობაზე. სასწავლო კურსების შინაარსსა და ჩატარების სიხშირეს ადგენს **მოგო**.

4.5. **მოგო** კისრულობს ვალდებულებას მიაწოდოს **პარტნიორს** ინფორმაცია ყველა ცვლილებისა და დამატების შესახებ, რაც შევა **ლიზინგის ხელშეკრულების** გაფორმების პროცედურაში.

5. ანაზღაურება

5.1. **ხელშეკრულებით** დადგენილი ვალდებულებების შესრულებისათვის და **ლიზინგის მიმღების** მოზიდვისათვის **მოგო** უხდის **პარტნიორს** ანაზღაურებას შემდეგი ოდენობით:

5.1.1. თუ ფორმდება **ფინანსური ლიზინგის ხელშეკრულება** ან **უკულიზინგის (ლომბარდი) - ხელშეკრულებაში** მითითებული **ლიზინგის** თანხის 2% (ორი პროცენტი), მინიმუმ 100(ასი) ლარი, მაგრამ არაუმეტეს 500(ხუთასი) ლარისა. თუ ერთი თვის განმავლობაში გაიცა 10 სესხი და მეტი - ხელშეკრულებაში მითითებული **ლიზინგის** თანხის 3% მინიმუმ 100(ასი) ლარი, მაგრამ არაუმეტეს 500(ხუთასი) ლარისა. **ანაზღაურება** მითითებულია საშემოსავლო გადასახადის ჩათვლით.

5.1.2 თუ ფორმდება ავტომობილის ნასყიდობის/გადაცემის ხელშეკრულება - ხელშეკრულებაში მითითებული ნასყიდობის საფასურის 2% (ორი პროცენტი), მინიმუმ 100 (ასი) ლარი, მაგრამ არაუმეტეს 500 (ხუთასი) ლარისა. თუ ერთი კალენდარული თვის განმავლობაში გაფორმდა 10 ნასყიდობის/გადაცემის ხელშეკრულება და მეტი - ხელშეკრულებაში მითითებული ნასყიდობის საფასურის 3% მინიმუმ 100 (ასი) ლარი, მაგრამ არაუმეტეს 500 (ხუთასი) ლარისა. ანაზღაურება მითითებულია საშემოსავლო გადასახადის ჩათვლით.

5.2. **პარტნიორს ანაზღაურების** მოთხოვნის უფლება წარმოეშობა იმ მომენტიდან, როდესაც **მოგო** გასცემს **ლიზინგს** **ლიზინგის მიმღებზე** და განახორციელებს **პარტნიორისათვის სატრანსპორტო საშუალების** ნასყიდობის ფასის გადახდას, რომელიც მითითებულია **ლიზინგის ხელშეკრულებაში** ან ნასყიდობის ხელშეკრულებაში.

5.3. **მოგო** არ არის ვალდებული გადაუხადოს **პარტნიორს** რაიმე სხვა სახის ანაზღაურება **ხელშეკრულების** შესრულების სანაცვლოდ, გარდა 6.1 პუნქტში მითითებულისა. **პარტნიორს** არ აქვს უფლება მიიღოს რაიმე დამატებითი ანაზღაურება იმ შემთხვევაში, თუ **მოგო** **პარტნიორის** მიერ მოზიდულ **ლიზინგის მიმღებს** მიაწვდის სხვა მომსახურებას, გარდა ისეთი მომსახურებისა, რომლის თაობაზეც მხარეები წინასწარ შეთანხმდებიან.

5.4. **მოგო** არ არის ვალდებული გადაუხადოს **პარტნიორს** ანაზღაურება იმ შემთხვევაში, თუ **მოგო** გასცემს **ლიზინგს** **ლიზინგის მიმღებზე**, რომელიც წარმოადგენს **მოგოს** თანამშრომელს, მისი მშობელი კომპანიის თანამშრომელს, მმართველი ორგანის წევრს ან ნებისმიერი ორგანის წევრს, რომელიც დამოკიდებულია მმართველ ორგანოზე ან სხვა კომპანიის თანამშრომელს, რომელმაც პირდაპირ ან ირიბად მიიღო მნიშვნელოვანი მონაწილეობა **მოგოს** საწესდებო კაპიტალის ფორმირებაში ან რომელის კაპიტალშიც **მოგომ** მიიღო პირდაპირი ან ირიბი მონაწილეობა.

5.5. ანაზღაურებას ყოველ გაცემულ **ლიზინგზე** **მოგო** **პარტნიორს** უხდის **გამყიდველისათვის სატრანსპორტო საშუალების** თანხის გადახდიდან და **პარტნიორის** შესაბამისი ანგარიშის მიღებიდან მომდევნო თვის 15 (თხუთმეტი) რიცხვში, **პარტნიორის** მიერ ანგარიშში მითითებულ საანგარიშსწორებო საბანკო ანგარიშზე.

5.6. აღნიშნული მუხლით გათვალისწინებული ანაზღაურება არ გაიცემა თუ:

5.6.1. *თქვენს მიერ მოყვანილ ავტომობილზე, კომპანია მოგოში ფიქსირდება სალიზინგო ხელშეკრულების შეწყვეტის ფაქტი ბოლო 3 კალენდარული თვის მანძილზე;*

5.6.2. *წინასწარ არ გამოგზავნით მშს მოგოს ვებ პორტალის მეშვეობით შესაბამის განცხადს, უნიკალური კოდის მითითებით;*

5.6.3. *თქვენს მიერ მოყვანილი მანქანის ფაქტობრივი მესაკუთრე აღმოჩნდება ჩვენს ბაზაში არსებული სხვა დილერი (პარტნიორი);*

6. სატრანსპორტო საშუალების ფასის გადახდა

6.1. იმ შემთხვევაში, თუ მოგო ლიზინგის მიმღებს უფორმებს ფინანსური ლიზინგის ხელშეკრულებას, რომლის საფუძველზეც მოგო პარტნიორისგან ყიდულობს სატრანსპორტო საშუალებას, მაშინ ნასყიდობის ხელშეკრულებით დადგენილ სატრანსპორტო საშუალების ნასყიდობის ფასს მოგო პარტნიორს გადაურიცხავს 2 (ორი) დღის განმავლობაში მას შემდეგ, რაც პარტნიორი მოგოს ოფისში წარადგენს ყველა დოკუმენტის ორიგინალს, რომლიც მითითებულია ნასყიდობის ხელშეკრულებაში. ლიზინგის მიმღებისგან ან მესამე პირისაგან სატრანსპორტო საშუალების შექენის შემთხვევაში, სატრანსპორტო საშუალების ნასყიდობის ფასი გადაირიცხება ლიზინგის ხელშეკრულების ან ნასყიდობის ხელშეკრულების პირობათა შესაბამისად.

6.2. მოგოს გააჩნია უფლება არ გადაიხადოს ნასყიდობის ფასი თუ სატრანსპორტო საშუალების ნასყიდობის ფასის გადახდისათვის სატრანსპორტო საშუალება დატვირთულია მესამე პირთა უფლებებით, აკრძალვებით, შეზღუდვებით ან მოთხოვნებით, რომლებმაც შესაძლებელია გაართულონ მოგოს უფლებათა განხორციელება.

7. სატრანსპორტო საშუალების შეფასება

7.1. პარტნიორს გააჩნია უფლება განსაზღვროს სატრანსპორტო საშუალების საბაზრო ღირებულება. სატრანსპორტო საშუალების საბაზრო ღირებულების დასადგენად პარტნიორი ამზადებს სატრანსპორტო საშუალების შეფასებას ქვემოთ მითითებულ მოთხოვნათა შესაბამისად და წარუდგენს მას მოგოს.

8. ხელშეკრულების ვადა და შეწყვეტა

8.1. ხელშეკრულება ძალაში შედი მის მხარეთა მიერ ხელმოწერის დღეს და მოქმედებს განუსაზღვრელი ვადით, გარდა იმ ხელშეკრულებით დადგენილი შემთხვევებისა, როდესაც ხდება მისი ვადამდე შეწყვეტა.

8.2. თითოეული მხარე უფლებამოსილია საკუთარი შეხედულებისამებრ ნებისმიერ დროს ცალმხრივად შეწყვიტოს ხელშეკრულება მეორე მხარისათვის წინასწარი წერილობითი შეტყობინების გაგზავნით უშუალო შეწყვეტამდე სულ მცირე 15 (თხუთმეტი) დღით ადრე.

8.3. მოგოს გააჩნია უფლება ცალმხრივად შეწყვიტოს ხელშეკრულება პარტნიორისათვის აღნიშნულის შესახებ წერილობითი შეტყობინებით 10.2 პუნქტში განსაზღვრული ვადის დაუცველად იმ შემთხვევაში, თუ პარტნიორი არ ასრულებს ან არაჯეროვნად ასრულებს ხელშეკრულების რომელიმე ვალდებულებას.

9. კონფიდენციალურობა

9.1. პარტნიორი მოგოს თანხმობის გარეშე არ გაამჟღავნებს კონფიდენციალურ ინფორმაციას არც ერთი პირის წინაშე ან/და არ მოახდენს ასეთი ინფორმაციის საჯარო კომენტარს ან არ დაადასტურებს ასეთ ინფორმაციას თუ აღნიშნულს გააჟღერებს და/ან მოსთხოვს რომელიმე პირი და მიიღებს ყველა გონივრულ ზომას ინფორმაციის საიდუმლოების უზრუნველსაყოფად და/ან განსამტკიცებლად.

10. სხვადასხვა

10.1. ხელშეკრულება შედგენილია და ხელმოწერილია ორ პირად, რომელთაგან ერთი გადაეცემა მოგოს, ხოლო მეორე - პარტნიორს. ორივე პირს გააჩნია თანაბარი იურიდიული ძალა.

10.2. მხარეები თანხმდებიან, რომ აღნიშნულ ხელშეკრულებამდე არსებული ყველა სახის წერილობითი თუ ზეპირი შეთანხმება უქმდება და კარგავს ძალას.

შ.პ.ს. მოგო

ს/კ _____

მის: _____

სახელი _____

პ/ნ _____